



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Libellus Sodalitatis: Hoc Est: Christianarum Institutionum
Libri quinque**

Coster, Franciscus

Antverpiæ, 1587

18 De processionibus.

[urn:nbn:de:hbz:466:1-46553](https://nbn-resolving.de/urn:nbn:de:hbz:466:1-46553)

quæ præcipiuntur. Sic statur ad Euangelium,
& cantica ex Euāgeliis desumpta, vt sunt Be-
neditus, Magnificat, & Nunc dimittis : tum
quia per verbum Euangelij, qui peccatis pro-
strati iacebamus, erecti sumus; tum vt prom-
ptos nos declaremus ad obtemperādūm diui-
nis iussis. 3, Oculi in cælum eleuantur, ut co-
gitationēm nostram in cælis versari declare-
mus. 4, Subinde oculi demittuntur, ad signi-
ficandum diuinæ severitati timorē & inter-
num pudorem ex turpitudine peccatorū con-
ceptum. 5, Manus attolluntur, partim ut cor
significetur habēdum ad Dñm: partim (vt ait
B. Chrysost.) quia dona, quæ petimus, ē cælis
sunt expectanda. 6, Iunguntur manus, ut ani-
mus declaretur esse collectus, non autem di-
stractus diuersis cogitationibus. 7, Tunditur
pectus, tum vt peccata detestemur, tanquam
pœnas de nobis exigentes: tū ut cor lapideum
tunctionibus emollefaciat. 8, Qui manus in mo-
dum crucis extendunt; significant secū Chri-
sto crucifixos, cuius crucem & passionem re-
præsentant. Hoc modo ferè se componunt sa-
cerdotes in sacro Missæ officio, in quo Chri-
sti patientis gerunt personam.

CAPVT XVIII.

DE PROCESSIONIBVS.

ANTIQVVS est ille in Ecclesia orā-
di modus, quo in processionibus clerici
& populus precatur Deum. In quibus
præfertur crux Christi, quia videtur educi ex-

F 2 exercitus

84 C H R I S T I A N A R V M

ercitus sub crucis vexillo militans: tum sequitur Clerus, cuius ordo vt est Deo cōiunctior, vtpote per quem ad alios spirituali dona deriuantur, ita debet sanctitate viræ cæteris prælucere. In hoc ordine verò præcedunt iuniores, seniores autē & digniores sequuntur: quia in Ecclesia, officium superiorum non in externo honore, sed in labore & ministerio consistit,

Mat. 20.

Lucas 22.

vt iuxta verbū Christi, *Qui voluerit maior fieri, seminister & præcessor sit ministrator.*

Post Sacerdotes & Præsules statim subsequitur sacerdotalis magistratus, tanquam Ecclesiæ rerumq. sacrarum defensor, qui coniunctus esse debet cum ordine Ecclesiastico, vt fidem propagnet; Pastores Ecclesiæ iuuet, atq. in omnibus rebus honorem Dei solius quærat. Præcedit autem reliquos ciues, vt sicut dignitate, ita & moribus vitaq. præluceat, doctorque sit aliorum. At verò inter utrosq. D O M I N V S

Ephes. 2.

I N M E D I O P O P V L I S V I : vt duos condat in semetipso, in vñū nouū hominem, faciens pacē inter Deum & sanctam plebem.

Roms. 10.

Iste modus orandi in Ecclesia antiquissimus, variis de causis seruatur. 1, Vt sciamus, fidem publicè profitendam esse: quia *Corde creditur ad iustitiam, ore autem confessio fit ad salutem.*

Matth. 5.

2, Ne pudeat nos publicè bene agere, sed ita luceat lux nostra coram hominibus, vt videat opera nostra bona, & glorificant patrem nostrum, qui in cælis est. Admonemus igitur, & excitam⁹ hac publica oratione omnes, ad orandum Dominum, pro suis totiusq. Reipub. necessariis.

cessitatibus. 3, Declaramus nos credere , Deū nullis locorum angustiis contineri, sed vbiq[ue] ab omnibus adorandum esse, non ab hominibus tantum, sed ab vniuersa creatura, quā cum Propheta Dauid variis Psalmis ad laudādū cōmunem Dōminum prouocamus. 4, Protestamur nos Christum Dōminum & ducē crucifixum sequi, paratos ad omnē ipsius voluntatem, tanquā fideles milites, sub vexillo crucis. 5, Precamur Dōminum ut in loca singula domosq[ue] nostras ingrediens, gratiam suam illis largiatur, Ecclesiæ precibus motus, quæ locis illis funduntur. 6, Celebramus memoriam variorum discursuum & processionum Christi Domini pro salute nostra suscep[t]arū, qualis fuit in die Palmarū , quando in vrbē Hierosolymitanam cum maxima pompa fuit inuenctus: & in die Ascensionis suæ in cælos, quādo discipulos in montem eduxit , & videntibus illis est subleuatus in cælum.

Ex his facile videre est, quāta reverentia sit Greg. lib. in supplicationibus procedendum, sine fabulis, sine cursitatione , sine vlla vanitate , aut mentis oculorūq[ue] euagatione, sed animo collecto, atq[ue] ad Deum eleuato, Deum precando pro necessitatibus Ecclesiæ, pro tota Repub. in qua versamur ; pro peccatoribus , qui malitia sua excæcati, iram Dei nō cessant prouocare.

Orandum est autem & postulandum , per Christi labores , quos multis itineribus pro nobis sustinuit ; per merita sanctorum , quorum sacras reliquias, aut imagines circumferimus;

F 3

mus; per Dei misericordiam, qui hanc Rem-
pub. ad fidem perduxit, & in Catholica reli-
gione conseruauit.

CAPUT XIX.

DE QTEMPORIBVS PRECVM
borariarum:

ECCLESIA Dei diuersas interdiu &
noctu horas obseruat, quibus ad Deum
preces fundit, in memoriam & gratiarum
actione singularium quorundam beneficio-
rum, quae temporibus illis accepit. Nam pra-
ter mysteria passionis, quae singulis horis acci-
derunt; alia etiam collata sunt beneficia pecu-
liaria, in quorum memoriam illis horis pre-
ces dicuntur.

*Memoria
natiuitatis
Domini.
Resurre-
ctionis.* Nocte celebratur memoria natiuitatis Do-
mini precibus matutinis: quibus adiunguntur
laudes: quia Christus in aurora victor ab in-
feris surrexit. Eodem noctis tempore captus
est Dominus, ductus ad Annam & Caypham,
multaque in ædibus horum pontificum usq.
ad ortum solis perpessus.

Exorto sole, hoc est, hora diei prima, tradi-
tus est Dominus in manus gentium; à Pōfici-
bus ad Pilatum adductus ad crucifigēdum.

*Vicarij suis
nobis reli-
cti.
Matt. 16.
Lucus 22.* Eodem tempore Ioan. 21. post resurrectio-
nem prouidit Ecclesiæ de summo pastore vi-
cario suo, cui oues suas, id est uniuersam Ec-
clesiam regendam cōmisit. Quod beneficium
quam sit eximium, facile perspicietur; si cōsi-
deretur, ab hoc capite pendere Ecclesiæ vni-
tas.

DEB 5